

# Tygerberg-klub vier sy WP-kroon so tussen die haaie

Dit was asof 'n reuse-hand Kaapse strande en rotse Saterdag van hengelaars skoongevee het. Dit was nie die koue wind en ysige waters wat hulle "verjaag" het nie, want hulle ken goor toestande.

Die klomp was tuis besig om te skeer en te poeier en te poets vir die Wes-Kaapse Rotshengelvereniging se groot makietie waaroor dit weke lank reeds gons.

Wat 'n feestelikheid! Die "makietie" was die hele tyd 'n deftige geleentheid by die Twee Oseane-akwarium in die V&A Waterfront.

Al die afgelope jaar se uitblinkers het hul pryse ontvang en die provinsiale span is aangekondig.

Die ongewone afsluiting van die WP se hengelsei-



Die Tygerberg-klub is as die Kaap se voorste hengelklub aangewys. Hier vier 'n paar klublede hul trofee. Agter staan, van links, Jaco Fourie, Thys Kemp jr., Greg Dubber, Craig van der Poll en Thys Kemp sr. Voor is Dion van Zyl en Bren van Reenen. Foto: EBEN HUMAN

soen waaroor nog lank gepraat sal word, was die danke van die Tygerberg-klub, wat vanjaar die WP-kampi-

oen is. Tradisioneel moet die kampioenklub die gasheer wees. Toe die klub hoor hy is die kampioen,



Die Westelike Provinsie se junior hengelspan saam met sy bestuurder, Mario Teixeira. Van links staan Teixeira, Michéle Santovito, Frans Smit, Brendon Joubert, Jaco Viljoen, Jean Naudé en Steve McWilliams.

het sy lede gewys hulle is nie alleen goeie hengelaars nie, maar kan op hul voete dink met die prysuitdeling in die akwarium.

Dit het die gaste van hul voete af gehad. Soos een gas

gesê het: "Ek het nie geweet die gees van die hengel-sport lyk so nie. Dit was net wit tande en vreugde waar jy kyk."

Die hoogtepunt was toe Tygerberg amptelik die be-

ker ontvang.

Agter die manne, daar tussen die haaie in die tenk, het twee paddamane verskyn en die Tygerberg banner tussen die visse geswaai. - **Katonkel**